

## Мā сүе хунтлэгум

Суйтāлыг ёмтум мā хўнтлэгум, оявем. Кāсаласум, хомус Хōтал, хōтал ўнтнэ мā тапāлн патме юи-пāлт, нётнэ яныг колэт āвитэ пунсы. Кол пōханэ ос алатэ хоса ошща хōтал сагытныл вāрим олэгыт, сōрнииг сусхатэгыт. Пуссын щуртги, пуссын нāй холът тэг.

Самагум ат вёритэг, лап-пантсагум. Хōтал такви яныг колэн щалты ос ос ёл-ояве. Тот ос Хōтал-щāнь нйвраманэ хуегыт – ам нотпам āгиришит ос пыгришит. Хунь мāн колувт акв Хōтал саг посты, омам лāви, тьи эрттам Хōтал-щāнь такви кātэ мāнавн тактытэ. Ос хунь сāв Хōтал сагыт аквторыг юн постэгыт, омам лāвнэ щирыл тьи Хōтал нйвраманэ мāн ётув ёнгасаңкве ёхтысыт... Тувыл ам кāсаласум, хомус Хōтал такви яныг колэныл кон-квāлы. Āнумн сусхатас, аквтопыл тэлыиг ёмтыс. «Хōтал тентэ ос пассаге яныг ащирман массаге», – āтям лāвыглас. Тōнт, тэлы, ам мостыслум, насати лāквың Хōтал ам омам хурипаг олы. Ты урыл ам āтямн лāвсум, тав āнумн лāвыс: «Хōтал – тав кāсың хōтпан щāниг олы. Улпыл таимāгыс кāсың омак аквхурипаг сусхатэгыт».

Āнумн лāквың Хōтал нупыл пūмыщ сунсуңкве олыс, тōнт ам омам урыл номсасум. Туп сымум мощ щāргыс, манрыг тўяг Хōтал лāкве ос пассаге ат масыглыяге. Ань ос Хōтал, хунь такви яныг колэныл кон-квāлыс, āнум татем постыстэ, ам тāра сāйкаласум.

Āлпыглам. Иснас тāра Хōтал каминьт кātэтыл āнумн сāйкатастэ. Улпыл нйвраманэ ёт āнум ёнгуңкве молямтытэ.

Еремей Айпин

Перевод на мансийский язык Динисламовой С.С.